

欽定剿平三省邪匪方略

欽定剿平三省邪匪方略正編卷三百十七

壬戌年

五月十八日

丁亥

惠齡奏言

臣

因王作正一逆係

劉永受股內緊要賊目當卽密差外委董益馮
登升改裝易服在熱山內潛加訪察至太平峪
西四溝地方訪得該處燒炭爲生之客民劉相
廠內曾有外來行客三人在彼住歇數日劉相
與鄰人黃昌文並交人一同出外總未回來形

跡可疑該弁等卽與同眼線四處躡緝旋於左
冢臺子店內將劉信黃昌文拏獲該逆王作正
在店房內密室潛藏聞風越牆逃遁外委董益
繞至店後半山趕上正欲擒拏該逆掣出小刀
拒捕適外委馮登升趕到協同拏獲又於店房
內搜獲同逃之子手張老么王恭兒二犯一同
押解前來又據坤山外委邵萬得在太平峪老

林內搜獲首逆阮正濠之子阮二娃並矛手何
大慶二名隨與前獲之探馬頭曹自富先後解
送到營臣率同委員六隔別審訊據王作正供湖

北上津堡人父親王中青向習白蓮教嘉慶二
年老師父張漢潮將我全家叫進營內後來張
漢潮被官兵殺了我父親自縊身死我同劉永
受逃到阮學勝營內阮學勝被擒我們又會上

辛聰從四川逃過陝西又遇官兵將辛聰衝散
我與劉永受帶領二百餘人在秦嶺一帶搶掠
裏脅希圖找尋苟文明合夥誰知連次被官兵
打散我帶傷逃到西溝遇見燒炭民人劉相求
他收留約他同做生意他見我身邊帶有二十
多兩銀子就約同鄰人黃昌文到左家臺地方
開店並未將我是賊營掌櫃的話告知黃昌文

隨卽應允現在店房尙未開張就被官兵拏獲
又據曹自富供湖北宜城縣人嘉慶三年被李
淮叫入張漢潮營內充當探馬頭自張漢潮李
淮李潮都被官兵殺了我隨劉永受王作正一
路逃奔本年春間劉永受王作正打仗帶傷逃
走我剩四五十人逃到大峪又被官兵殺了二
三十人我隻身逃出遇見民人陳正書向他哀

求將我留在店裏他過嶺南探親未回我被官
差拏獲又據阮二娃供湖北棗陽縣人阮正濼
是我父親阮學勝是我叔祖我父親被殺叔祖
被拏就跟著劉永受王作正當戰手今年春間
劉永受王作正都帶傷不知去向四月間我同
矛手何大慶逃到老林內躲藏就被官兵搜獲
是實又據何大慶張老么王恭兒同供均係矛

手打仗不記次數各等語查該犯等均係積年
巨惡罪不容誅臣於審明後卽分別凌遲處斬
此股首夥各逆均已搜捕淨盡其帶領王作正
逃匿之客民劉相訊係知情故縱受賄隱藏情
殊可惡相應請

旨卽行處斬其同行之黃昌文訊係事後始知並未
得賄但該犯知而不首亦未便輕縱應請發往

新疆給厄魯特爲奴其窩留曹自富之民人陳
正書一名獲日另結至苟文明一股賊匪經額
勒登保督率扎克塔爾楊遇春楊芳等節次剿
殺所剩不及千人連日分股散竄已十分窮蹙
其正股尙在韭菜坪老林屯聚額勒登保現由
八里坪光頭山自北面扼剿楊遇春由東面喬
家溝兜截扎克塔爾楊芳由西面獅子坪甘家

砭一帶兜圍日內一經得手此股亦不難殲盡
共棧西之張魏餘匪百餘人經慶成節次搜捕
該匪分股潛逃經遊擊朱集才帶兵剿殺擒賊
二十餘名其餘尙在紫柏山一帶老林藏匿
復飛催朱集才仍帶兵搜捕慶成亦趕緊分兵
入林搜剿可期尅日淨盡

同日陸有仁奏言查棧西張魏餘匪分股零星

逃竄其竄至甘肅邊界者業經道員朱爾漢節
次剿殺賊卽翻山南竄慶成已派遊擊李朝顯
等緊躡追剿現據遊擊朱集才稟稱另有賊匪
分出一股二三十名竄至王溝經該遊擊帶兵
剿捕節次擒斬餘匪無多四散逃竄其留鳳等
處老林內亦尙有藏匿零匪慶成現在棧內適
中之地督率搜捕並據署留壩同知劉經稟報

率同寨勇到處查拏現獲賊目張林臣已提至

漢中審辦又川省獲匪一股竄至西鄉菩提河

經委員易萬程督率寨總鄧正剛等堵剿殺賊

五名生擒趙元得一名陣亡寨勇郭啓貴黃有

恒二名賊見堵禦嚴密仍卽遁入通江縣境訊

據獲犯趙元得供稱此股賊匪共二三百人係

楊步青爲首臣已飭令將陣亡寨勇家屬優加

賞卹又楚省賊匪一股約三百餘人前竄至鄖
縣之鮑家店陳家莊一帶逼近白河縣境臣當

卽飛飭地方官將沿江船隻盡收北岸並令鼓

勵各處寨勇合力防堵頃據署白河縣知縣黃
衮稟報該匪因探知邊界堵禦嚴密折竄竹山

縣境距陝省邊界已遠臣仍嚴飭地方官隨時

確探嚴防勿稍大意至苟逆一股近據寧陝同

知張約稟報有分股三四百人竄至廳屬之慈
雲寨索取糧食寨勇認明是賊隨用鎗礮轟擊
六名賊卽遠遁臣已將出力寨勇獎賞並示諭
各寨俱當照慈雲寨辦理使賊匪伎倆益窮自
不難尅期殄滅均奏入

上命軍機大臣傳諭惠齡曰惠齡奏搜捕零匪王作
正曹自富及阮正濫之子阮二娃等犯均係劉永

受股內緊要賊目於審明後分別正法自應如此
辦理外委董益馮登升二員改裝易服前往查拏
能於客民劉相店內將要犯盤獲不致漏網稽誅
尙屬能事董益馮登升俱著拔補把總以示獎勵
至客民劉相於首逆王作正逃匿時敢受賄隱藏
知情故縱情節甚爲可惡著照惠齡所請卽行處
斬其同行之黃昌文一犯知而不首亦有應得之

罪亦著照所請發往新疆給厄魯特爲奴其高留
曹自富之民人陳正書一名仍著惠齡飭令嚴拏
務獲并訊明該犯若亦係知情容留與劉相情節
相同卽著將該犯正法至苟逆現在分股散竄勢
已窮蹙諒早晚卽可辦竣惟昨據德楞泰奏稱湖
北蒲添寶等股賊匪尙敢偷撲營盤勢尙兇悍現
在德楞泰帶兵逼剿至房縣地方難保其不向陝

境竄逸而樊戴等股聞長齡亦有斬獲恐該匪亦不免有折竄之事陝省平利紫陽一帶防堵事宜關係甚重惠齡接奉此旨著卽酌量情形如額勒登保已將苟逆股匪辦竣親往平利紫陽一帶扼要堵截則惠齡自當仍在峪口一帶搜捕餘匪若苟逆尙在未淨額勒登保不能卽日移師前往惠齡可無庸在峪口駐紮著迅速馳往紫陽平利一

帶督同穆克登布辦理防堵楚匪事宜不可遲悞
惠齡前在峪口駐營原防苟逆奔竄出山今欣業
經降旨令額勒登保將該匪轟出老林聽其竄向
一路剿辦自易爲力所有峪口攔截事宜此時轉
非喫緊至陝楚邊界處所一切防堵事宜則皆惠
齡專責惟當擇要嚴防隨時堵禦設有竄陝之賊
卽隨地督剿與楚省共收夾擊之效

上又命軍機大臣傳諭陸有仁曰陸有仁奏楚省賊
匪一股竄近白河縣境因邊界堵禦嚴密折竄竹
山現飭地方官確探嚴防勿稍大意等語現在楚
省蒲添寶樊人傑等股匪經德楞泰督同長齡等
追蹤逼剿至房縣地界該匪分股奔逃難保其不
竄入陝境茲已降旨令惠齡移駐紫陽平利一帶
督飭防堵該撫亦當嚴飭各邊界地方官弁實力

防堵毋令一名闖入爲要至該省需用軍餉前已發銀四十萬兩茲不待該撫奏請又將粵省關稅等項撥銀四十萬兩由豫省陸續解往應用該省得此項餉銀接濟自更充裕陸有仁當飭令局員撙節辦理源源供支勿令缺乏並不得以餉項數餘致滋浮冒

上又命軍機大臣傳諭吉慶瑚圖禮三義助顏檢日

前據三義助奏粵海關稅銀已湊足十萬兩解豫
存貯此項銀兩令河南巡撫轉解陝省備用外著
吉慶等再於關稅鹽課地丁項下湊撥銀三十萬
兩委員迅卽解赴陝省交陸有仁收貯應用

十九日

戊子

額勒登保奏言前因連日陰雨澇峪

內河流洶湧急切不能進發臣焦急如焚嗣於

初五六等日雨止水消官兵漸次歸集臣卽帶

領由八里坪而進接據探報賊匪自楊過春扎
克塔爾於大山壩華基寨等處剿殺之後勢益
窮蹙遁入杜家墳東窺安溝瀆溝一帶老林扎
克塔爾裕布舍等緊躡追剿沿途擒斬十餘人
該匪等四散奔竄有由瞿家溝菲菜坪北趨田
峪金峪之勢經_臣所派之叅將吳亨衍遊擊王
兆龍由秋木菴碾道迎擊殺賊七八名生擒四

名賊衆不敢北竄卽向東南逃往兩河金雞河一帶扎克塔爾等帶兵由光頭山進剿該匪遂由冷水溝向江口奔逃江口守備陳超帶兵出擊殺賊二名生擒二名該匪向北折竄金雞梁老林藏匿扎克塔爾等是日跟追至徐家壩楊芳在甘家坳扼其西竄之路楊遇春亦帶兵由八斗坪前來賊匪連夜遁入磨子溝老林內擊

獲探信賊匪張興魁等六名供稱苟文明因官
兵追殺緊急與張二張三商量分路逃走躲避
官兵當有元帥靳士黃並頭目海姓王姓各帶
領一二百多人在老林中分路奔竄其苟文明
與張二張三帶領四五百人由金雞河翻入磨
子溝藏躲晝伏夜出不令官兵知覺等語當將
所獲各犯概行正法查該匪被剿窮蹙分竄潛

奔使官兵不能知其確蹤實堪憤恨臣遂知會

扎克塔爾格布舍等卽由兩河韭菜坪覓路兜

剿磨子溝大股賊匪務須深入痛剿毋令久匿

並派令副將張廷楷蕭福祿遊擊王兆龍等帶

兵由七畝坪顧北進剿並令兩路多帶劈山礮

酌量地勢向各處林箐內轟擊俟該匪竄出再

用鎗箭竭力追殺臣督率副將王兆夢遊擊劉

健標等帶兵於東面之馬蝗溝設伏以備截擊
該匪知數路官兵直向林內逼剿不敢存住由
南溝竄入苟家溝扎克塔爾格布舍等卽由喬
家溝繞赴金雞梁顧住西面進剿副將張廷楷
蕭福祿由柿園溝顧住北面進剿臣現又親帶
官兵由喬家溝策應而進其分出小股賊匪亦
在附近一帶藏匿聞楊遇春楊芳等亦由金雞

河廟溝南溝一帶追剿而來距苟張大股不遠
是該匪實係震懾兵威不敢出林遠遁

臣

現在

督飭數路大兵不避艱險不分晝夜聯絡逼剿
定可聚而殲除至穆克登布一路官兵近日在
平利安康紫陽一帶堵剿地方寧謐派令弁兵
鄉勇等各三四十人遠赴川楚邊界偵探賊蹤
並相機緝捕四月初四日行至大寧之加當灣

詢之該處寨民據稱有賊匪二百餘名在附近
硝洞山老林屯聚該弁等當卽帶領兵勇假扮
教匪彼此答話將該匪引誘出林立時擒獲僞
總兵向倫僞先鋒李玉生等七名殺斃五名賊
匪齊來抵禦該弁等因衆寡不敵遂卽折回太
坪峒駐劄訊據向倫等供稱係湯思蛟劉朝選
分出餘黨先鋒夏一品爲首向在老林藏匿等

語次日該弁等仍探蹤前進而該匪已乘夜向
萬古寺一帶遠竄初八日復探得龍門溪有賊
匪百餘人距太平峒約八十里該弁等連夜前
往二更後行抵該處見賊匪依傍老林一半在
林內露宿一半在民房熟睡該弁等遂與各兵
勇商酌先將賊匪刀矛潛從房內取出即將房
門堵住四面縱火焚燒賊匪驚醒奪門逃竄經

兵勇連殺數人餘賊隨跳上房屋而房屋已被
燒倒塌賊匪冒火衝突悉被擒戮林內之賊聞
聲前來接應弁兵等奮力迎剿殺斃二十餘人
生擒八名兵勇等亦有被賊矛戳傷者餘匪不
知我兵多寡仍卽遁入箐林逃竄該弁等亦卽
帶領兵勇折回訊據獲犯張三喜等供稱係白
號張子聰股內餘匪易老掌櫃爲首易老掌櫃

在房內已被殺等語當卽查明屍身經獲犯指
認屬實穆克登布當卽將賊目向倫李玉生訊
問明確凌遲處死其餘十三名概行正法臣當

卽飭知穆克登布將該弁王義如黃大文兵勇
等優加獎賞現聞德楞泰等截剿樊戴王曾一

股賊匪得獲勝仗惟恐該匪被剿狂奔由二竹
逃入陝境臣並已飭知穆克登布桑吉斯塔爾

喜明等務須嚴密扼截與楚省官兵兩相夾擊
一鼓集事又據總兵富蘭稟報四月二十二
一等日有各股剿散零匪由通江竄近西鄉邊
界該鎮同都司關騰於七里溝等處殺賊二十
餘人擒獲四名餘匪十餘人仍遁入川境現仍
嚴防邊界至張魏餘匪前次由寧羌竄入廣元
者經豐紳劉清率領兵勇於麻柳壩斬獲四十

餘人生擒十三名該匪現剩七八十人向南江
奔竄尚有殘匪一百餘人在畧沔之戰壩林紫
栢山老林潛匿慶成現在分撥官兵入林搜捕
其前此竄過棧東之零匪數十人經江口遊擊
朱集才帶兵於清溪河柳川舖老林搜獲三名
馘斃十六名尚有二三十人奔竄沙壩馬莊溝
一帶仍卽帶兵跟蹤緝捕

同日吳熊光奏言查樊曾各逆在賊股中最爲狡猾雖節經官兵剿散而仍固結狂奔實堪痛恨因前月二十七日開霽後二十九至本月初四日復連日陰雨淋漓該匪不擇路徑遂由興山水月寺苟家壩竄至保康屬之管峪溝施家莊等處有北逸之勢節據逃出難民黃志榮等供稱樊人傑與王國賢們商量此次所走路徑

總躲閃官兵出其不意使農民不及防備攫取糧食要走穀城房縣一帶盤繞再進老林躲避官兵等語探聞長齡將鍋帳一切留在後路緩行挑帶奮勇馬步官兵及練勇等星夜由硃砂坪長坪偏東追剿前來孫清元吉林泰由歇馬河螃蟹溪自南而北以截賊匪折竄老林之路惟保康之西北一帶現屬空虛不可不亟籌攔

截查總兵李天林帶領兵勇千餘名在二竹搜

捕餘匪

臣

趕卽飛調前來恐兵力稍單適前調

東路防守之副將蔣觀濤孫應奉等計日可到

卽擬與李天林合爲一路自北向東南迎擊可

期與長齡孫清元吉林泰等三面夾剿設或該

匪西竄二竹逼近陝境

臣

又飛札總兵穆克登

布帶兵在陝楚交界扼要迎截更可四面圍攻

以冀一鼓殲擒又二竹分竄零匪有三四百人
在白河口老莊子一帶潛匿深山密箐內晝伏
夜出時隱時見賊匪極爲鬼域經前派之都司
達祥守備羅陞鄧興相等分投搜捕該匪藏匿
不住又分出二百餘人由大木廠一帶北竄都
司達祥等抄道東面擊截該匪卽向鮑家店李
家山等處西竄正值外委劉紹先首領張占魁

等在彼堵禦該匪奪路衝撲鎗斃賊匪十餘名
外委劉紹先在前猝受矛傷陣亡餘匪向竹谿
之濫石灘過河經該處七寨義勇併力截擊淹
斃十餘名餘匪卽向小河口一路逃遁經原派
搜捕之守備鄧興相帶領兵勇跟蹤前往諒可
易於掃除至川楚疆域毗連德楞泰一路官兵
往來無定所需軍火糧餉臣已疊次飛飭荆宜

施道陳蘭森宜昌府知府金之忠暨沿邊各州
縣令其不分畛域設法源源接濟均奏入

上命軍機大臣傳諭額勒登保曰苟逆股匪自被楊
邁春扎克塔爾在大山壩等處剿敗之後由菲菜
坪北趨復經官兵追殺沿途小有斬獲賊匪仍分
路逃竄總在老林藏匿現在扎克塔爾等繞赴金
雞梁顧住西面張廷楷等由柿園溝顧住北面額

勒登保親帶官兵由喬家溝策應而進楊遇春楊芳等亦由金雞河一帶追剿而來距苟張大股不遠據稱數路大兵聯絡逼剿定可聚而殲除此正極好機會朕所日夕欣盼者但額勒登保摺內似此聚而殲除之語已非一次而苟逆在老林輾轉奔逃已及半載總未能痛加殲戮淨絕根株遷延至今萬難再緩再老林之內鎗箭不能得力早當

用礮擊打且軍營並非缺少礮位何以額勒登保
從前並未籌計及此直待朕降旨訓示始帶劈山
礮酌量地勢向林箐內轟擊豈此等機宜必待朕

一一指示耶至摺內稱恐樊逆等股被剿狂奔由
二竹逃入陝境等語此則甚爲可慮朕昨已降旨

令惠齡前赴該處防堵額勒登保將苟逆一股辦
竣後卽遵照前旨前赴穆克登布駐紮之紫陽下

利一帶嚴密堵禦令穆克登布桑吉斯塔爾等帶
領湖北湖南官兵前往房竹等處幫同長齡等剿
辦焚逆股匪其南山一帶卽有一二零匪彼時儘
可令惠齡回至該處督同將弁搜捕無難悉數殄
除至張魏餘匪在沔畧老林藏匿額勒登保業經
知會慶成趕緊剿辦自可尅日殲淨倘慶成兵力
不敷額勒登保彼時或酌派楊遇春前往協助設

川陝交界東鄉西鄉一帶有竄匪闖入並可資其
堵剿

上又命軍機大臣傳諭吳熊光曰吳熊光奏樊曾各
逆北竄探聞長齡由硃砂坪長坪偏東追剿孫清
元等由歇馬河螃蟹溪自南而北以截賊匪折竄
老林之路吳熊光因保康西北一帶兵備空虛令
總兵李天林副將蔣觀濤等向東南合擊所辦尙

好至德楞泰一路現在剿辦蒲井各逆喫緊之際
所有應用糧餉吳熊光務須嚴飭道府等源源供
運毋致稍有缺乏爲要其在李家山等處堵禦賊
匪猝受矛傷陣亡之外委劉紹先著咨部賜卹

同日

上諭內閣曰陝省各州縣自軍興以來及今七載凡
被賊近賊及偶偏災各地方自元年至六年應徵

各項錢糧查經加恩展緩現在大功將次告蒞小民等自可共安耕鑿踴躍輸將但節年積欠既多若同時新舊並徵民力仍恐拮据且本年據該撫奏到各屬雨澤情形先後不齊麥田未能一律豐稔朕心深爲廑念現在飭令該撫確查有應行撫恤之處迅速奏聞另行加恩外所有陝省各屬內節年被賊較重之寧陝等二十四廳州縣并屢次

被賊連年，叠經偏災之咸寧等四十縣州縣自嘉慶元年至六年實在民欠未完地丁正耗鹽課等項銀糧及各項借欠并沿邊一帶叠被偏災之延榆綏鄜四府州所屬各州縣自嘉慶元年至五年實在民欠未完出借常平倉民欠春借並籽種口糧等項均著加恩再予緩徵一年以副朕厪念民艱至意

欽定剿平三省邪匪方略正編卷三百十八

壬戌年

五月二十日

巳丑

德楞泰奏言蒲逆乘夜撲營敗

逃之後鑽入老林向獨木礮鄂家坪女兒溝逃

竄

臣

恐其又折竄東南卽督兵分路抄追令色

爾淡蒲尙佐總管富登阿協領德寧阿等帶領

馬步兵勇過其東南一路

臣

同賽冲阿温春馬

瑜等率領大隊尾躡跟追初十日趕抵彎腰樹

探得賊匪於是夜五更自彎腰樹起營向上竄

白玉坪楊岔河東北逃竄臣於三更時卽督兵

前進十一日未刻趕至楊岔河據哨探帶到寨

民詢稱賊匪昨日屯紮楊岔河今日清早起營

向馬家溝大路東去等語迨兵緊追至仙家坪

已行一百三四十里時已日落趕上賊尾殺賊

二三十名活捉李發祥等十三名大衆賊匪見

兵逼近向左邊順溝走寒水河上石坂溝入山
佔踞大壘口恃險抗拒臣察看大壘口兩山壁

立一線羊腸若兵勇競上亂石滾打未免費力
而左右又無小路可抄即使攻搶得手其大眾
賊夥勢必遠颺若非出其不意攻其不備斷難
痛剿查詢該處山內東走蒙古寺可出獅子巖
距房縣只有四十餘里吳熊光現在駐紮該處

兵備空虛

臣

卽令色爾滾蒲尙佐等帶兵星夜

馳赴獅子巖扼據東顧

臣

由白玉坪黃龍山自

西而東雖道路迂繞一百二三十里賊若西走

卽可迎頭截殺如尙屯聚亦可直搗其巢惟石

坂溝大埡口俯視仙家坪瞭然在目恐賊知大

兵繞道抄截又復遠颺卽酌留兵勇數百名令

遊擊楊森帶領在彼牽綴大兵仍於仙家坪擊

營陽爲追剿之勢並令每營另留兵勇數名於
各營內夜間多燒號火臣於二更時卽全隊折

回白玉坪翻過黃龍等大山四重抄出賊前兵
至大壩池詢據寨民稟稱頃有持矛者四十多
人穿戴紅帽馬褂在小壩池一帶卽令都司龍
必達千總謝金章等帶領鄉勇二百名改裝換
旗先往小壩池見房屋外豎有白旗兩桿賊匪

都在屋內做飯卽帶領鄉勇直前將兩處房屋圍住捉獲王宗賢等三十一名殺斃十三名並無一名漏網臣大隊進至小壩池訊據王宗賢

等供稱元帥蒲添寶屯在後面二十多里水溝地方派袁總兵帶四十四人前來探聽信息正在做飯不想官兵就把我們擊住袁總兵叫袁國林那個屍首就是等語當卽斬訖申刻雨霧

交加雖天氣將晚我兵已近賊巢若不趕緊剿
殺該逆知覺又必連夜奔竄仍屬空勞無濟

臣

卽鼓勵兵勇無不踴躍飛馳疾進直至水溝後

山坳口見賊屯瓦房十餘所草蓬極多均係緊

靠天平老山查天平山老林內有小路抄出禡

襠腦卽可扼賊匪竄入箐林之路當令叅將馬

文斌何君佐帶領兵勇先將禡襠佔踞

臣

兵

分三路左路溫春中路賽冲阿右路馬瑜等各

帶兵勇衝入賊巢

臣

督兵策應因雨霧瀰漫賊

衆全不知覺立斃賊匪二百餘名生擒趙國友

周劉氏等一百零八名口雨霧益大賊衆齊竄

過溝西陡坎拒敵鎗石如雨與我兵相持半時

之久旋見戴藍頂花翎賊目率賊匪十餘人力

敵下壓勢極兇悍時有四川藍翎馬兵陳國棟

及奉

旨以七品陞用之鄉勇魏中材直前迎剿被魏中材
用矛戳倒取其翎頂纓帽正欲割取首級復被
大衆賊匪撲來搶去賊遂紛紛潰亂賽冲阿温
春馬瑜三路官兵乘勢並進賊卽向天平老山
而逃正值馬文斌何君佐率領兵勇自褲褶腦
壓下與賽冲阿等前後剿殺又斃賊一百六七

十名有戴紅頂賊目帶領賊衆突出賊羣經巴圖魯侍衛富僧德吉林委防禦常在瞥見趕追被富僧德箭傷左背墜馬滾崖只拾得其紅頂翎帽而回查此二賊目被箭矛所傷均未得其首級其生死未能確知追至大凹又殺賊一百四五十名先後共擒活賊一百六十六名口繳來紅頂藍頂冬帽各一頂搶獲騾馬牛驢二百

二十三頭匹旗幟刀矛衣物極多其時霧氣朦朧雨勢淋漓天色已暮未便再行深入十三日復分兵搜捕又獲犯李宗華王郭氏等四十三名口卽令獲犯於活賊內遍行識認指出山口總兵王元洪馬重禮探馬頭蘇光全趙國清等首劉思元向榮華陳維遠等七名詢據王元洪等供稱我們在營內充當總兵這營裏係監監陳

朝觀爲元帥他去年在陝西地方被官兵拏了
只剩二百多人他兩子叫陳宗先陳宗恒年紀
俱小稱爲少掌櫃都是蒲先鋒管事後來逃到
湖北老林內遇着王四猫餘黨有三百多人白
號張楊帶有三百多人還有黃號熊二娃的二
三百人都來會合共有一千多人總在巴東興
山老林藏躲破些洞寨共湊有二三千人馬騾

三四百匹因山裏寒冷於十一月出山總在興
山歸州東湖一帶擄掠蒲添寶在營裏掌事都
稱他爲元帥他又派了井英冉起才張楊苟大
秀四人做先鋒今年四月知道樊人傑來了商
量同往襄陽去到東湖地方被大兵趕截將樊
人傑的人傷了一大半我們不敢合夥蒲元帥
說不如仍到興山老林裏躲避走到龍門河探

有官兵跟進山來紮在王家壩口派出二千戰
手是苟先鋒帶領偷營誰知官兵鎗箭利害傷
了幾百人苟先鋒中了箭傷衆人就跑走了聞
黃號賴大有卽賴先鋒帶有七八百人在長峰
堆子一帶熊二娃就帶了黃號的三四百人由
龍門河分營找他去了我們趕緊從百里荒逃
走要到房縣去後面官兵緊追蒲元帥卽由仙

家坪翻山逃入大凹山內又怕官兵進來派了
幾日戰手在石板河壩口堵住令袁總兵到大
小壩探信明日欲由原路走白玉坪找尋樊掌
櫃合營不知官兵忽然殺進營來殺的掣的不
知去了多少再先鋒戴的是紅頂子張先鋒戴
的是藍頂子如今他們並無一定去向總探聽
沒有官兵的地方逃走等語除王元洪馬重禮

等七名轡割外其戰手張明志等二百二十名
一概正法所有被脅男婦九十名口照例給票
交隨營知府金之忠妥爲分別遞送各籍查蒲
添竄大股賊匪原有五千餘人自王家垵痛擊
後向西北逃至房縣之彎腰樹陸續來營請票
者已有六百二十餘名口官兵沿途擒斬並渙
散外所剩約有三千七八百名此次仰仗

天威鼓勵官兵搗其巢穴計剿殺五百餘人生擒三百餘名此外尚有滾崖及自行逃散者無從查悉現探該逆所剩二千五六百名馬騾二百餘匹此股賊匪又已剪除一半查該逆已連夜折向東南逃遁非左走百家坪柏木壽陽卽右走鈇廠溝元杜坪竄入興山老林臣已飛飭色爾滾蒲尙佐等帶領兵勇緊躡追剿該逆如果與

樊逆等合夥臣正可與長齡等協力併除此次
打仗陣亡并受傷兵勇數名容俟另行查明容
部辦理

同日吳熊光奏言臣探報有一股賊匪翻越老

林晝夜狂奔由彎腰樹上竄向北竄至羊义河

屯紮臣查該處可由獅子崖以出房縣亦可由

漳洛河直達二竹當卽飛飭總兵李天林帶領

兵勇趕至化龍堰相機堵截若樊會各逆仍由
原路大木廠化口西竄二竹亦可就近兼顧旋
據叅贊德楞泰來信德楞泰督師已由百里荒
老林追逼蒲逆股匪出山賊內裹脅紛紛逃散
官兵連夜趕抵江家坪詎該匪見有追兵從仙
家坪左手翻山向鬼子溝而逃前隊官兵已抵
上龕副都統色爾滾總兵蒲尙佐帶領兵勇由

獅子崖抄道迎剿德楞泰由仙家坪窮追以防
賊匪折竄現在德楞泰分兵三路漏夜兼程追
捕蒲井各逆係由東南而來長齡孫清元等追
剿樊會賊股由房屬之西北兜截總兵李天林
在南北適中之所扼要截剿一經得手正可二
面合圍聚而殲洗實屬極好機會但恐賊匪剿
急鋌走翻越深山老林官兵緊躡窮追往來無

定查房竹一帶寨落較多較之興歸等處貯米
更爲充裕惟餉銀不使寄存民寨臣趕卽飛派

鄖陽府阿霖候補知州沈堂寬帶餉銀趕赴德
楞泰軍營接濟支放仍飛飭沿邊各州縣不避
險阻設法供運以期無悞奏入

上命軍機大臣傳諭德楞泰曰此次蒲天寶大夥匪
衆三千七八百人在水溝地方屯紮經德楞泰分

兵三路衝冒霧雨進攻乘其不備痛加殲戮共計
斬殺五百餘人拏獲三百餘名并生擒偽總兵王
元洪馬重禮探馬頭蘇光全趙國清旗首劉思元
向榮華陳維遠等七名所辦甚好德楞泰著賞給
喜字玉搬指一個鑲寶石帶扣一副黃縵大荷包
一對小荷包四個又發去雲玉搬指五個文竹小
刀五把文竹搬指套五個磁搬指套五個磁鼻烟

亞五個花大荷包五對小荷包十個分賞出力員
弁用示獎勵統俟將此股賊匪辦完後再加懋賞
其用矛戳倒頭戴藍頂賊目之鄉勇魏中材箭傷
頭戴紅頂賊目之侍衛富僧德俟辦竣蒲匪後再
行保奏以應陞之缺陞用現在該逆祇剩二千五
六百人折向東南逃遁勢已窮蹙德楞泰務當乘
此兵威勝勢趕緊追剿無難一鼓集事即使該逆

仍由原路走白玉坪與樊逆等合夥正可督率長齡等趁賊匪湊集一處併力協剿以期聚而殲洗德楞泰前次摺內稱長齡截剿樊逆亦有斬獲係得之探聽並非據長齡呈報卽本日吳熊光摺內亦未聲敘長齡打仗殺賊情形伊究竟在何處剿賊會否與賊接仗有無觀望逗遛情事著德楞泰查明具奏

上又命軍機大臣傳諭吳熊光曰吳熊光奏德楞泰
分兵三路追剿蒲井各逆自東南而來長齡孫清
元等追剿樊會賊股由房屬之西北兜截總兵李
天林在南北適中之所扼要截剿正可三面合圍
聚而殲洗等語現在各路官兵將賊匪合圍自係
極好機會本日據德楞泰奏稱水溝後山埡口見
賊屯瓦房十餘所草窠甚多均係緊靠天平老山

德楞泰督率兵勇衝入賊巢等語從前教匪四路
奔竄素無定向以致官兵輾轉追逐如果賊有巢
穴可以攻圍剿辦轉易得手今蒲井等逆在水溝
後山埡口屯聚瓦房草蓬諒該匪一時不能猝辦
或本係民房草蓬被賊搶佔抑竟係賊匪在彼搭
蓋此時蒲逆等被德楞泰剿捕折向東南逃遁該
處現有居民着吳熊光派員詳查水溝後山埡口

是否果係賊巢賊匪在彼屯聚幾日卽行據實具
奏毋得因地方官有失察處分稍存迴護又吳熊
光派委知府阿霖候補知州沈堂寬帶銀兩趕赴
軍營接濟支放楚省軍務正當喫緊之際糧餉最
關緊要吳熊光務當飭令委員設法運供勿少貽
悞

二十二日

辛卯

勒保奏言

通籌川省大局川北

一帶楊姓零匪二三百人復由陝折竄通巴地
界業飭總兵田朝貴帶兵剿辦其廣南邊界有
陳李二裁縫殘匪百餘人遁入老林尙未殲淨
又張魏餘黨顏中考魏洪升二逆近聞慶成已

將魏洪升生擒所剩顏中考帶領殘匪百餘人

有折竄川境之勢臣已寄信提督豐紳探信防

剿以上三股零匪有豐紳田朝貴兩路官兵儘

數分剿其苟文明一股蹤跡距川界尙遠

臣

亦

分囑豐紳田朝貴隨時探信防範至東鄉開縣
前後中三河等處餘匪疊經官兵剿散均係零

星四竄現有副都統銜達斯呼爾岱副將羅聲

臯等爲一路遊擊羅思舉爲一路近日又派原

任副將褚大榮帶領鄉勇爲一路分股搜剿而

梁山之栢林漕大竹之蒲包山等處未淨零匪

每起不過三四十人七八十人不等已派叅將
傅廷佐帶兵搜捕均足以資辦理惟查楚省賊
勢較多自叅贊德楞秦帶兵過楚後賊匪被剿
情急必致闖入川境是川東雖現無大股之賊
而防守較爲喫緊臣前調總兵張志林一路官
兵前來同赴東路適張志林因傷發患病兩腿
腫脹不能騎馬當令暫留調養復調總兵洪緒

來營管帶兵勇隨同

臣

一路進發茲於十三日

已抵夔門查核各路探報楚省樊戴王曾崔胡

等逆一股經德楞泰剿敗後現已折竄興山之

界牌埡蒲逆一股現竄房縣所屬之九湖當陽

一帶此兩大股均未入川其劉姓熊姓二股賊

匪前由陳家坡分起竄川當經副都統達勒精

阿武隆阿等擒斬二百餘名並將賊首劉姓殲

斃其後起熊姓一股竄至東坪壩聞得川省有
兵截剿仍連夜折回楚境惟本日探得巫山所
屬之牯牛窖鐵廠灣一帶**有楚匪一股竄來約**
有五六百人臣查達勒精阿武隆河一路官兵
現在寶子山一帶距巫境較近當卽飛札該副
都統連夜帶兵探蹤迎剿臣所帶官兵亦一面
分派繼進至楚匪旣在興房歸巴等處則巫山

奉節大寧三縣邊界處處皆關緊要

臣

卽日履

勘賊竄路逕分撥官兵寨勇扼要防守遏截賊蹤至羅思舉在三河一帶搜剿初二日探得東鄉鄭家灣地方有白號賊匪一起羅思舉卽督率兵勇由石堆窩陶家坪一帶取道探剿途次正與賊匪迎頭相值該匪折回狂竄適有清查練勇之委員楊世鯨知有官兵追賊卽率團勇

迎截殺斃賊匪二十三名生擒四十四名查訊
活賊內有湯長元一名據供係湯思蛟之子自
在砲通山被官兵剿散卽與張簡一路同走本
日張簡帶領戰手二三十人先行逃逸餘匪在
後被兵擒斬至湯思蛟自去年冬間在砲通山
失散後至今並未相遇不知現在逃往何處等
語羅思舉卽帶兵躡蹤搜捕初六日至尖山坪

探有剿散餘匪二十餘人在彼藏匿羅思舉當
卽分撥兵勇由大埡口兩路圍剿殺賊十名生
擒十六名內有林開聘一名據供係張簡股內
賊目初八日羅思舉移兵開縣龍洞地方路遇
散匪十餘人被團練委員張一鶴率勇追逐正
在山溝奔竄羅思舉卽率兵勇圍捕殺斃賊十
名生擒七名查訊亦係湯思蛟股內散出之賊

訊以湯思蛟蹤跡亦不知下落初九日探得渡
口崖一帶有零匪五六十人羅思舉帶兵迎剿
殺斃十餘名生擒二十四名內有偽總兵唐仕
鳳爲先鋒楊士祥二名據供亦係湯思蛟股內
散出賊目近有青號王山帶領餘匪五人前來
合夥本日遇兵追剿王山隻身脫逃餘黨四人
均已殲淨等語羅思舉當將節次所獲賊匪委

弁押送達縣聽候審辦又據廣元縣稟稱該縣所屬九子山地方前經豐紳剿剩之殘匪一百餘人竄近該境當有辦理團練之委員試用吏目汪順梁帶領太平洞姜家寨尖山寨雙洞子四處團勇迎頭截擊賊匪竄入黃栢埡老林汪順梁帶兵跟追不料路旁茅草內突出埋伏賊匪數十人將該吏目汪順梁立時戕害團勇亦

有傷亡該吏目係屬文員委辦團練竟能奮勇
深入老林追賊悞中賊計致被慘害情殊可憫
相應請

旨照陣亡例議卹以慰忠魂其餘陣亡受傷團勇

臣

卽飭該道府等查明分別賞卹以昭激勸再前
據達勒精阿武隆阿等稟報在巫山邊界白菓
寺地方將首逆劉朝選殺斃

臣

細核賊蹤不甚

相符茲據巫山縣將劉逆首級並原指認之駭

賊陳大明等解送來營臣當卽提犯詳鞠據供

皆係青號餘匪查劉朝選係白號首逆不應所

帶皆青號之賊因查梁山有難婦王氏曾被劉

朝選搶掠姦佔爲妻上年冬間經養冲阿打仗

擒獲給屬領回當卽就近飛提到案飭令將首

級辦認據稱並非劉朝選復將解到之陳大明

詳加詰訊據供我被擄入夥未久但聽衆人稱
爲劉元帥我並不知道他的名字前日官兵問
我可是叫劉朝選我便隨口答應今被嚴訊這
首級實係青號劉元帥等語除將該犯等分別
辦理外查白菓寺所擄僞元帥劉姓既係青號
賊目並非白號首逆劉朝選無疑是劉朝選一
犯仍舊在逃未獲臣現飭各路文武加緊留心

查訪合併陳明奏入

上命軍機大臣傳諭勒保曰此次勒保因川東邊防緊要率同張績一路官兵於十三日進抵夔門據各路探報楚省樊戴會王崔胡等逆現已折竄興山蒲逆一股現竄房縣所屬之九湖當陽一帶此兩大股均未入川與德楞泰昨日所奏無異至劉熊二股賊匪經達勒精阿等迎截斬獲二百餘名

並將賊首劉姓殲斃其熊姓股匪仍折回楚惟據
稱巫山地方另有楚匪一股竄來約有五六百人
昨據德楞泰奏訊據獲賊稱有黃號賴大有帶領
七八百人在長峯堆子一帶熊二娃帶了黃號三
四百人由龍門河分營找他去了等供今竄至巫
山之賊或卽係賴姓等股匪亦未可定勒保應卽
飭令達勒精阿等上緊截緝以期速就殄除至樊

蒲等股在興房等處往來竄逸賊蹤狡猾亦難保
其不乘間闖入川界所有巫山奉節大寧各縣邊
防處處皆關緊要勒保務須分撥官兵扼要嚴防
至川北之楊姓零匪及陳李二裁縫與張魏餘黨
爲數雖屬無多若不速行剿辦恐致裹脅蔓延勒
保當責成豐紳田朝貴兩路官兵趕緊搜剿並諭
以勒保現赴川東所有川北零匪卽伊二人專責

倘能趁賊匪殘敗之時剋期辦淨卽係伊二人之
功朕必加之懋賞倘勒保將川東賊匪辦完仍回
川北時尙不能剿竣各股零匪甚或稍有滋蔓必
將伊二人叅奏治罪如此嚴切札諭度豐紳田朝
貴二人知責有攸歸倍加勤奮迅勉圖功至苟文
明股匪雖距川尙遠但恐被官兵逼剿折回川北
一帶勒保亦應飭令豐紳田朝貴隨時探訪留心

防範爲要其試用吏目汪順梁帶領團勇入林追
賊遇伏被戕情殊可憫着右部賜卹

同日

上諭內閣曰前據勒保奏稱達勒精阿武隆阿等在
大昌一路追剿青白等號餘匪擒獲多名並將首
逆劉朝選殲斃曾經降旨將達勒精阿武隆阿及
副將張良槐交部議敘茲據勒保查驗劉逆首級

將會被劉朝選姦佔之梁山雜婦王氏就近飛提
到案飭令辨認實非劉朝選首級旋向指認之賊
夥陳大明詳加究訊據供前日官兵所殺賊首原
只供是青號之劉元帥等語劉朝選一犯既未就
擒應卽飭令文武員弁嚴拏務獲其達勒精阿武隆
阿張良槐殲斃之賊既非首逆自不必給與議敘
但所殲劉姓亦係賊目且誤認劉朝選係得之賊

供尙無冒功情事亦不必究其稟報不確之咎

二十三日

壬辰

德楞泰吳熊光奏言

臣

德楞泰昨

於房縣所屬水溝地方冒雨繞道將帶添寶賊
股痛殲大半只剩二千六七百人賊家連夜仍
翻石坂溝大埡口折回原路出寒水河十三日

走仙家坪向南入鞦韆溝色爾滾等先經派赴
獅子崖扼房邑之路探得臣德楞泰已在水溝

大獲勝仗賊勢不敢東逃仍回原路遂卽帶兵
趕至仙家坪時賊已先南逃又接到臣德楞泰

飛札飭知色爾滾等倍加奮勇輕騎冒雨竭力

前追臣於十五日自仙家坪移營接續而進行

至東葛坪接到色爾滾蒲尙佐等稟報十四日

探得賊蹤相離六七十里二更時卽自鞦韆溝

廖家坪進兵緊追至穆家溝趕上賊尾竭力痛

剿追過雙鳳溝殺賊百餘名又乘勝追至魯家
壩殺賊四百餘名生擒男婦三百餘名口時已
黃昏復鼓勵兵勇追趕二三十里殺賊七十餘
名活捉二百餘名時已二更逆衆被剿窮蹙四
散遁逃搶獲馬騾一百餘匹頭旗幟刀矛衣物
極多沿途乘隙潰散難民不知其數除所獲馬
騾分給出力官兵外其獲犯及耳級並旗幟刀

牙等送管查訊並查賊衆分爲數起一起四五
百人竄走龍池麻灣栢木壽陽歐家店一起一
百多人竄走茶園兩河口龍王廟一起一百餘
人竄走三股泉柴溝峪桐耳溝一起二百餘人
竄至七莊坪西嵩坪巖屋溝長嶺亦由栢木前
逃查詢各逆分竄之路雖多勢必仍歸栢木壽
陽一路計兵馬輕騎冒雨日夜已行二百餘里

鍋帳俱未趕上盡皆露宿因差幹練兵勇分路
查探首逆確蹤再行馳追

臣

查蒲逆大股賊衆

五六千人叠被趕剿茲剩祇有一千四五百名
勢已衰殘雖分股逃散非竄興山即遁保康且
聞樊會等逆已被長齡等由均穀兜向西來賊
蹤亦已相距不遠正籌計間又接准

臣

吳熊光

來信探得長齡等所追樊會等逆於十二日由

均州之分道觀黑虎廟一帶向西竄來商令移
師剿辦查現在樊蒲兩逆相較樊逆更爲緊要
且蒲逆業經連次痛剿狼狽分逃色爾滾蒲尙
佐所帶馬步兵勇二千餘員名係頭敵勁旅可
靠之兵以之跟剿可以濟事卽飭令趕緊跟蹤
前往臣德楞泰卽於途次東折至獅子崖暫紮
臣吳熊光到營會合彼此熟商查楚省兩股賊

匪均已敗殘現在樊逆等自東北竄向西來窺
其詭譎之心不圖入陝卽欲渡漢但時常夏令
江水寬深非船莫渡卽山河內如黃龍灘官渡
現值水漲之際斷難飛越此時自應與長齡等
先將樊會等逆趕緊殲除不但楚境大局易於
戡定卽川陝亦不虞其滋蔓惟臣德楞泰除分
撥色爾滾一路兵馬外祇有存營兵二千餘名

臣

吳熊光飭令總兵李天林所帶馬步兵勇一

千餘員名隨同

臣

德楞泰一路預備派撥則兵

力更爲壯盛現在

臣

德楞泰督兵東進

臣

吳熊

光卽回房縣督辦糧餉軍火合併聲明奏入

上命軍機大臣傳諭德楞泰吳熊光曰德楞泰等奏

痛剿滿添寶股匪大獲勝仗本日恭逢

北郊大祀得此捷音實深成慰滿添寶股匪經德楞泰

於水溝地方痛殲後由原路折回奔逃德楞泰恐
其被剿情急竄近房邑派令色爾滾蒲尙佐緊躡
追剿不予以暇色爾滾蒲尙佐二人冒雨進兵追
過雙鳳溝痛加剿殺共計殲擒賊匪一千餘名實
爲奮勇可嘉色爾滾蒲尙佐著各賞給玉喜字搬
指一個花大荷包一對小荷包二個並發去一兩
重銀牌二百面五錢重銀牌二百面交德楞泰分

賞此次及前次痛剿蒲逆出力兵丁以示獎勵現
在賊衆祇剩一千四五百人分竄興山保康一帶
色爾滾蒲尙佐等所帶馬步兵勇二千餘員名俱
係頭敵勁旅自敷剿辦但不可專注一股墮賊詭
計令他股散竄又致蔓延德楞泰務當飭令色爾
滾等確探賊蹤將此五起分股各匪設法逼歸一
處免致分我兵力如能殲擒首逆並將全夥掃淨

印係色爾滾蒲尙佐之功朕必當再加獎賞前次
德楞泰督師大挫賊鋒色爾滾等始得乘勢殺賊
是伊二人之功皆由德楞泰調度有方所致必當
一併優加懋賞至摺內稱蒲逆勢已窮蹙有色爾
滾等在彼刺辦德楞泰與吳熊光會商移師東趨
探剿樊會各逆等語所見甚是樊逆爲積年著名
首犯極爲狡猾可惡長齡孫清元吉林泰等帶兵

剿捕總未得手此次德楞泰摺內雖稱長齡等由
均殺一帶兜剿樊會等逆亦未將近日在彼如何
打仗詳晰聲敘伊等會否與賊接仗有無觀望逗
遛情事著德楞泰仍遵昨旨查明具奏